

Մ Ա Յ Ր Ա Թ Ո Ռ

Վանական Կառավարութիւնը Վեհափառ Հայրապետի շնորհաբեր դալստեան մօտալուտ լինելն ի նկատի ունենալով յունիսի սկզբներին միջնորդել էր Սինօգի առաջ վարկ բաց թողնել թէ Էջմիածնում վեհարանը և թէ Բիւրական՝ ամարանոցի շէնքը վերանորոգելու համար: Սինօգից ստանալով հարկաւոր թոյլտուութիւնը վերանորոգեց թէ վեհարանը և թէ Բիւրականի ամարանոցը:

Յունիսի 28-ին Վեհափառ Հայրապետը ժամանեց Ս. Էջմիածին կայարանը: Գնացել էին դիմաւորելու Սինօգի ամբողջ կազմը, Վաղարշապատի գաւառապետը, Վաղարշապատի հայ հասարակութեան ներկայացուցիչները և Երևանի պատգամաւորները: Յերեկուայ ժամը 3-ին Վեհափառի կառքը կանգնեց Տրգատայ դրան դիմաց դռնուած հրապարակի վրա կանգնեցրած կամարի առաջ, ուր աղ ու հաց մատուցին Վաղարշապատի հասարակութիւնը և Երևանի պատգամաւորութիւնը: Նորին Վեհափառութիւնը ընդունելով աղ ու հացը պատշաճ խօսքերով յորդորեց օրէնքների սահմանում գործել յօգուտ եկեղեցւոյ և ազգի ապա մտնելով ամպհովանու տակ «Հրաշափառ» շարականի երգակցութեամբ ու հոծ բաղմութեան կեցցէների աղաղակներով դիմեց Մայր Տաճար, պատշաճ աղօթքից յետոյ ծընկալաբ համբուրելով Իջման սեղանի առաջ դրուած խաչն ու աւետարանը, մի քանի խօսքով յորդորեց հոգեւորականութեան և ժողովրդեան սիրելի կարգ, օրէնք և լինել պարտաճանաչ, հեռու վանելով անձնական հաշիւները: Նոյն հանդիսաւորութեամբ և անվերջ կեցցէների տակ Վեհափառը բարձրացաւ վեհարան:

Երեկոյեան ժամը 7-ին պատրաստուած էր 200 հոգու համար ճաշ, ուր արտասանուեցան ճառեր ու բարեմաղ-

թիւններով: Վեհափառ Հայրապետը յոգնածութեան պատճառով սեղեանատուն չէր իջել:

Երեկոյեան վանքի բակում՝ ճրագալոյց կար էլէքտրական զանազան դոյնի ճրագներով:

Յունիս 30-ին Վեհափառ Հայրապետին ներակայացան Ս. Էջմիածնի ամբողջ միաբանութիւնը, Սինօդի ծառայողները, ձեմարանի վարչութիւնը, զանազան կողմերից եկած պատգամաւորութիւններ:

Վեհափառ Հայրապետին հրաւիրակ կարգուած գերապատիւ Տեառք — Թիֆլիզի առաջնորդ Գարեգին արքեպիսկոպոս, Շուշուոյ առաջնորդ Աշոտ եպիսկոպոս և Սինօդի անդամներ Մեսրոպ ու Բաբգէն վարդապետները Վեհափառ Հայրապետի հետ յունիսի 28-ին վերադառնալով Մայր Աթոռ մի քանից յետոյ վերստանձնեցին իրանց պաշտօնները Գարեգին արքեպիսկոպոսը գնալով Թիֆլիզ, Աշոտ եպիսկոպոսը՝ Շուշի, իսկ Մեսրոպ և Բաբգէն վարդապետները՝ յաճախելով Սինօդ:

Վեհափառ Հայրապետի ցանկութեամբ կազմուած է ժամանակաւոր ուսումնարանական յանձնախումբ, որ պէտք է մանրամասն տեղեկութիւններ ժողովի ծխական դպրոցների, ուսուցիչ ուսուցչուհիների մասին և հարկաւոր ղեկուցումներն անի Նորին Վեհափառութեան:

Յանձնախմբի անդամներ նշանակուած են Մեսրոպ, Յուսիկ, Մատթէոս, Գարեգին և Երուանդ վարդապետները: Մատթէոս վարդապետի բացակայութեան պատճառով նրա տեղ նշանակուեց Ներսէս վարդապետ Տէր Միքայէլեանը:

Մայր Աթոռիս միաբան Տ. Ներսէս վարդապետ Տէր Միքայէլեանը, որ Բաթումի գիմնազիայի գերմաներէնի ուսուցիչ էր, վերադարձաւ Մայր Աթոռ:

Վեհափառ Հայրապետի յանձնարարութեամբ Սինոդը պատրաստում է Ս. Էջմիածնի հաստատութիւնների և տնտեսական վիճակի տեղեկագիրը:

Վեհափառ Հայրապետին մատուցել են նուէրներ: Կ. Պօլսում—Գալֆայեան որբանոցը սկիզոյ մի հատ սակեթել ծածկոց որ յանձուեց Ս. Էջմիածնի լուսարարապետին ի գործադրութիւն տաճարի:

Պ. Տիգրան Տամատեան—Կ. Պօլսում և Աղէքսանդրիայում ապրող հայերի կողմից հին դրամներ—արծաթ՝ քսան հատ, կեղծած՝ երկու հատ, ոսկի՝ մի հատ և պղինձ՝ տասն և վեց հատ նաև պղինձ մատանի՝ մի հատ և մարդակերպ ձուլածոյ կուռք՝ մի. որոնք յանձուեցին Մատենադարան—Թանգարանին:

Մոսկվայում Մ. Տէրեան—արծաթէ մասնատու մի հատ և ձեռագիր Համայնի ժԸ. դարու Այս նուէրներն ևս յանձնուեցին Մատենադարան—Թանգարանին:

Վեհափառ Հայրապետի գործածութեան համար մատուցել են Ս. Պետերբուրգում հանգ. կարապետ Եղեանի քրոջ դուստրները մի արծաթեայ բաժակ և Մոսկվայում՝ պ. Յովհաննէս Ժամհարեանը՝ ծխախոտի մի ոսկեայ տուփ:

Վեհափառ Հայրապետը յանձնեց գանձարանին ի պահ Կ. Պօլսից բերած եպիսկոպոսական պանագիէ չորս հատ, վարդապետական խաչ՝ երկու հատ և քահանայական խաչ՝ մի հատ:

Յուլիսի 16-ին ժամանեց Մայր Աթոռ Փարիզի համալսարանի հայագէտ ուսուցչապետ պ. Ֆրեդերիկ Մակլէր, Մատենադարանում հնագոյն ձեռագիր աւետարանները ուսումնասիրելու համար:

Արարատի խմբագիր Տ. Մատթէոս վարդապետի բացակայութեան պատճառով Արարատի սոյն Յուլիս—Օգոստ

տոս ամատեարի հրատարակութեան հսկողութիւնը կատարել է Տ. Յուսիկ Արքեպիսկոպոսը:

Երևանի պ. նահանգապետ Գրաֆ Տիգէն-Հաուզէն ուղեկցութեամբ պ. Թագէոս Քալանթարեանի յուլիսի 10-ին ժամանելով Մայր Աթոռ՝ այցելեց Վեհափառ Հայրապետին, և վեհարանում նախաճաշելուց յետոյ նոյն օրը վերադարձաւ Դարաշիշագ:

Էջմիածնում Յուլիսի մէջ շողերն անտանելի էին դարձել, րէօմիւի ջերմաչափը արեւի տակ ցոյց էր տալիս 45 — 46, իսկ սենեակում՝ 26 աստիճան, Օգոստոսի սկզբին տեղացող անձրևների շնորհիւ եղանակը բաւական զովացաւ:

Նորին Վեհափառութիւնը յուլիսի 11-ին մկնեց Բիւրականի ամարանոցը, Վեհափառ Հայրապետն ազգիս օգոստոսի 17-ին ճաշից յետոյ 6 ժամին Բիւրականի ամարանոցից վերադարձաւ Մայր Աթոռ:

Նորին Սրբութիւնը հրապարակի դարվազայի առաջ իջնելով կառքից ամբողջ միաբանութեան յառաջընթացութեամբ մտաւ տաճար, համբուրեց Ս. Իջման տեղի առաջ դրուած Ս. խաչն ու աւետարանը, աղօթեց և նոյն միաբանութեան յառաջընթացութեամբ բարձրացաւ վեհարան:

Հրապարակից սկսած մինչև տաճարը խմբուած էր խումբն բազմութիւն:

Արձակուրդ են ստացել և բացակայում են Մայր Աթոռից Տեառք Մեսրոպ, Սուքիաս և Յովհաննէս արքեպիսկոպոսները. Սահակ, Բենիկ, Մատթէոս և Երուանդ վարդապետները:

Յուլիսի 6-ին պրօֆեսոր ակադեմիկ Մառը և հնագէտ Յ. Ի. Սմիլնով չրջեցին Վաղարշապատի շուրջը գրո-

նուաժ կուրգանները և Մայր աթոռիս թանգարանում գտնուած մի քանի իրեր լուսանկարեցին:

Այս համարում տալիս ենք Վեհափառ Հայրապետի Պօլսից—Էջմիածին ուղևորութեան նկարագիրը, որը ապա լոյս է տեսնելու առանձին գրքոյկով: Այս նկարագիրը կազմել է Խորէն վարդապետ Մուրադբէկեանը օգուելով Մշակի և այլ թերթերի մէջ լոյս տեսած նկարագրու-
թիւններից և բարձրապատիւ Գրիգորիս Ժ. վ. Բալաքեանի յուշատետրից:

Յուլիսի 7-ին Մատթէոս վարդապետը ներկայացրեց Նորին Վեհափառութեան գրաւոր հրաժարական «Արա-
րատի» խմբագրի պաշտօնից պատճառելով իր զբաղուած
լինելը իբրև Սինոդի անդամ:

Նորին Վեհափառութիւնը ընդունելով հրաժարականը,
խոստացաւ տնօրինել իր օժուովից յետոյ:

Իբրև նմուշ «Արարատի» սոյն համարում ղետեղում ենք խոյեցոյց բարեառով գրուած ընտանեկան նիստու-
կացը, քաղուած Ս. Էջմիածնի տպարանի գրաշար Յարու-
թիւն Աւչեանի ընդարձակ աշխատութիւնից: Մեր նպա-
տակն է ծանօթացնել ընթերցողներին մի բարեառի հետ,
որով խօսում են Սուրմալուի, Գառնիբասարի և Էջմիածնի
գաւառի մի քանի գիւղերի հայերը, որոնք 28 թուին
Պարսկաստանի Սալմաստ, Խոյ, Մարաղա և Ումիա գաւառ-
ներից են գաղթել:

Ամառը առհասարակ բաղմաթիւ ուղևորներ են յա-
ճախում Մայր Աթոռս է որ գիտնական նպատակով և է-
որպէս պարզ ճանապարհորդներ:

Այսպէս այցելեցին Մայր Աթոռս մի խումբ ուսա-
նողներ և ուսանողուհիներ, Նոր Նախիջևանի թեմական

գալրոցի բարձր գասարանների աշակերտները ուսուցիչ Գէորգ սարկաւազի ղեկավարութեամբ, երեք գերմանացիներ, որ մի քանի օր մնալով այստեղ հետաքրքրուում էին Մայր Աթոռիս հնութիւններով և մտադիր էին Արարատ բարձրանալ:

Օգոստոսի 1-ին Դքսուհի Բօհան և իշխանուհի Միւրատ այցելեցին Մայր Աթոռս և նոյն օրը վերադարձան Երևան՝ Սեան ուղևորելու համար:

Վեհափառ Հայրապետի Մայրաքաղաքներում գտնուելու յիշատակը յաւերժացնելու համար մայրաքաղաքների հայերը որոշել են նոր վեհարան կառուցանելու համար տալ Ս. Պետրբուրգի Հայ եկեղեցական խորհուրդը տասն հազար ռուբլի և Մոսկվայի հայերը՝ մօտ տասն և հինգ հազար ռուբլի՝ հանգանակութեամբ:

